

2. Pawlpi Sunga Kizopnate

Laisiangtho bulphuhte 1Cor. 13:1-8 Rom. 12;9-21 1Jn. 4:20-21 Phil. 2:1-4
 Acts 4:32-35 1Cor. 12:25-27 Jn. 13:35 1Jn. 1:7
 Eph. 4:13-16, 25 Acts 2:42-47 1Thess. 5:12-15

b) Thupatna

John Wesley in khatvei hici gen hi, "Laisiangtho in a tangtat (kuaamahtawh a kipawl thei lo) biakna bangmah thei lo hi." Christian biakna pen kithuahkhopna biakna hi. Khazih nungzuihna pen itna, thumanna leh nasepna, a cihna hi a, tuate pen pawlpi sunga kimu kizoptuahna tungtawn bek in kingah thei hi. Biakinn ah kikhopna mun pen na dang bangmah in khek theilo hi.

Christian-te in Topa na a sepna vuah lungkia pahpah uh hi. Banghang hiam cihleh, amau thu-a sem kisa in, kuamah in a don losa kha uh hi. A tuahkhak uh haksat nate pen amau tung bek-ah a tuamdang deuh a tung bangin ngaihsun uh hi. Zeisu nungzuite i hihna ah midangte a kin loh nading in Satan in hong ze-et in hong thuzawh sawm hi. "Pasian i neih laiteng kua Christian dang kisam hiam?" ci-in Satan in hong gen ding hi. Ahizong in Christiante i hihna tawh thuman pen Pasian in Kha inn a lamna ah hong cian a nungta suangtumte ihi hi. (1Pet. 2:5 Eph. 2:20-22). Christian taktakte Khat le khat kilam tuah uh hi. A taktak in Christian maante Khat le khat tungah ding tek uh hi. "Kithuah khopna" cih kammal pen Greek in "Koinonia" hi a, "kipawlkhopna" ahi keh "taangpi-a zangkawm" cih na hi (Acts 2:42; 1Jn. 1:7). Hih in bangci banga Christiante nungta ding cih hong pulak hi a, a nungta khawm-a a zangkawmte leh Pasian in amaute a piak khitsa 'agape' aih keh angung theilo leh kipumpiak itna zat khopna ahi hi (Rom. 5:5; Jn. 13:34; 1 Jn. 3:23).

c) Kha kipawlkhopna

Hih pen lungtang leh lungsim puak ahi hi. Hih pen Christian thu-umte kikal-a ngeina banga innkuan maw kilawmtatna maw-a kikhikhkopna sanga a thukzaw Khazih sunga kikhikhkopna pulaak na ahi hi. Hih pen tuni-a Christiante i hihna ah a lianbel tona khat ahi hi. Christiante i hihna-ah ei le ei bek in omlo hihang. Upna tawh leitung bup thu-um mite innkuan lamdang sungah a kizomkhawm a suakte hihang-a tua pen beh le phung, mel le sa leh ei hoihnate hang hilo in Khazih sisan hang ahi hi (Gal 3:26-28). A taktak bel Pasian in Khazih sunga a sepna hangin eite pumkhat i hi uh hi. Pasian in leitung pian ma in hih thu Khazih sungah ngimkhol khin hi (Eph 1:4-5). Khasiangtho tungtawn-a eite sunga Pasian nasep hangin tu-a i hih bang ahi thei i hi hi (Phi. 2:1-2; 2Cor. 13:14).

d) Kha sunga I Zatkhop Kikhohlh khopna Muhdan Sagihte

1. **Kha itna** (Rom. 15:30): Thu-um mite i hihna tawh i kizoptuahna laizang-ah Pasian itna om hi. Hih pen pianken ngeina zui-a kingaihna leh kipahtakna pan-a hong khang hi lo in, Khasiangtho nasepna tungtawn-a i sunga hong piang itna hi (Rom. 5:5). Zeisu genna-ah hih itna maan pen midangte i ngaihsut laiteng in i nungzui hihna ah thupi bel ahi hi.
2. **Kha kipumkhatna**
 I kipumkhatna pen Khazih sunga i upna tungtawn hi a (Gal. 3:26-28). Kha khat

sungah i zatkhopna ahi hi (1Cor. 12:13). Hih kipumkhatna pen eite sunga om Khasiangtho tawh i vantung Pa kiang i zuatkhopna in hong lak hi (Eph. 2:17-18). Hih kipumkhatna pen a manpha leh a kikap hun cianga kep ding leh koihcing dinga kizam ahi hi (Eph 4:3).

3. Kha Biakinnpi

Christiante pen Topa a dinga kilamkhawm a siangtho biakinnpi hi-a, tua pen ama Khasiangtho tawh Pasion a tenna mun ahi hi (Eph 2;21-22). Hih biakinn aih keileh Pasion inn pen Pasion na sepna, biakpiakna leh phatna mun zong ahi hi (1Pet. 2:5). Pasion in hih inn pen thupi koih mahmah a, a dinmun bulkip a kiphutsa tungah eite in koici lam ding cih hoihtak in hong kigen hi (1Cor. 3:19-17). Hih Pasion biakinnpi pen zangkhai ngaihsut ding hilo hi. Banghang hiam cihleh, hih a manpha ama omna mun tawh eite in bang sem khin i hiam cih ama mai-ah hong kiciapteh sak ding hi.

4. Kha Minthanna

Pasion omna ah a minthanna kimu hi (2Pet. 4:14). Khasiangtho in eite hong kikhel sakna-ah a masa bel in Zeisu sungah Pasion minthanna hong muthei sak a, tua khit ciangin tua tawh Zeisu sutna-ah hong kikhel sak-a, tua bang tawh eite nuntaknate ah Ama minthanna a kimuh theih nading ahi hi (2Cor. 3:18).

5. Kha Letsongte.

Kha letsongte pen thu-um mimal khatciat tungtawn in kilang thei-a, ahizong in tuate pen pumpi ading letsongte hi a, Christian mimalte ading hi masa lo hi (1Cor. 12:7). Khasiangtho letsongte pen kha kipawl khoppihna lo tawh khatna neilo hi. Tuate gamtatna pen pumpi kipumkhatna lim ahi hi.

6. Kha Lametna

Upna a omna peuh ah lametna om hi. Christian lametna pen upna pan-a hong suak khia Zeisu kammal leh nasep tunga kinga ngiat ahihman in thutak hi ngiat hi. Hih upna pen eite sungah Khasiangtho in hong piangsak hi (Gal 5:5, 6). Eite sunga Khasiangtho in a piangsak upna, lametna leh itnate pen mimal sinkhakna ciangbek hilo in, Khasiangtho kikholkhoppihna sunga i nuntak khopna ah kilangkha khawm hi.

7. Kha biakna

Kha sunga kikholkhopna pen biakna tawh Pasion tokhom mai-a kikholkhopna hi a, tua lai-ah a na om khinsa Zeisu tawh kizom hihang. Hih pen i kikholkhopna a thuk pen-a lahkhatna mun ahi hi. Biakpiakna maan pen Khasiangtho nasepna sungah zungka hi (Phil. 3:3; John 4:23-24).

e) Kha Sungah Khat

Pasion in Ama Tapa sungah eite hong koihna ah hong lametna i bat zawh loh luatna hong muh ciangin Pasion lungtang sungah natna lianpi om ding hi. Amah in Zeisu sungah eite ading kikholkhopna dinmun bulkip phah khin a, tuate a taksuah theih nadingin Khasiangtho sunga thumanna leh itna tungtawn in vangliatna hong pia khin hi. Ahizong in dawimangpa in lawhsapna leh natna sungah hong tunpih zo dekdek tawh kibang hi. A taktak ah bel Christian khempeuh tawh kikholkhopna thuk nei theilo leh tua bang hi zo lo mah hihang. Thu-um maan khat ciat tawh i deiha i deihi kei zongin kikholkhopna

sungah i om hi. Banghang hiam cihleh Khazih nasepna tungtawn in Pasion lungtang sungah hong kizomkhawm khin hi. Eite kikhohlkhopna kual pen i khentel theih ding kisam hi. Tua pen a neng a tawng, ahi bang lian hilo in, Christian dangte tawh kikhohlkhopna i lahkhiat leh i tangtunsak pah theih nading ahi hi.

f) Kikhohlkhopna Gah Thumte

1. Gahphatna

Late gelhpa in late 133 na-ah kipumkhatna pen Zion mual tung pan-a a luangsuk Hermon daitui tawh kibang hi ci hi. Hermon daitui pen leitang ading tui leh nuntakna nak hi a tua in nosuahna leh mite a gahphat nading ah piangsak hi. Kikhohlkhopna zong eite ading tua bang mah hi a, nosuahna leh nisim-a Pasion tawh i kalsuan na ah, khoina leh vaakna pangsak hi. Tua in eite hong gahphasak hi.

2. Geelkhiat theihna

I Christian nuntakna sung-ah thu-um midangte tawh kikhohlkhopna lo tawh hoihtak a i sep theih lohna vai tampi om hi. A tawpna-ah Christian kikhohlkhopna pen mimal nasep hilo in, sep khop pankhop thu hi. Hong piang thei tona a tamzaw pen mi dangte tawh i kizopna sunga i nuntakna pan hi. I phal nak leh Khasiangtho in Khazih pumpi sungah i kipumkhat nading hong gamtanga, tua pumpi a kidimsak nading leh kep nadingin a kisam bangin letsongte hong pia hi. Tua pumpi sungah kha zawna leh kha letsong a kisam omlo ding a, ki-it tuahna leh nasepna ah i letsongte i zatkhop mah bangin mimal khatciat pen kihausak in kilamto ding hi (1Pet. 4:10-11). Pa' deihna pen kha citna hi a, tua in Khat le khat sungah Pasion bang hiam cih phawktheihna leh kithapiak tuahna leh kihuhna tungtawn in tua pen ngah ding hi (Heb. 10:24-25).

3. Man (Cost)

Mikhat tawh a mantak-a kizop tuahna khat neihna dingin bangzah hiam khat man piak kul hi. Banghang hiam cihleh i ngah nadingin i piak kul a, piakkhiatna-ah i kidal, i kiselna khempeuh a kiatkhiat ding ahi hi. A thupan in ei le ei midangte tawh kikhohlkhop nading i kihon ciangin ei le ei a pumpiak ihi hi. Eite pen a kicing mite hilo in, kikhohlkhopna man pen Pasion-a ahi, Khat le khat kiangpan-a i ngahte bek hilo in eite nuntakna leh, mimal hihnate ah a kilangkhia thuzawhna khempeuh leh pianken kilatnate ah kihonna zong ahi hi. Tua hangmah in mi pawlkhatte in midangte tungah a kihon dinguh haksas a uh a, tua pen natna telkhialhna leh nialna a kihtak man uh ahi hi. Mi khat tungah kihonna pen eite pukbaih nading tawh a kibat hangin, hi bang dan tawh ei le ei i kihon ciang bek in kikhohlkhopna dawntung thei bek in, tangtungsak taktak thei ding hi. Na lunglen leh kikhohlkhopna maan ading man piak ding kei ka kiging khol hiam, keileh kei a kihong dingin ka kiging khin hiam?" ci-in nang leh nang kidong in. Ei le ei kiniam khiat in, i ngaihsutnate leh i lungtang sunga lungsim puakte khempeuh hong sittel dingin Khasiangtho i phal ding ahi hi. I lungdamna thu pen thu-um mi taktakte kikal-a, kisiatna leh kha kikhennate tawh a tankhop leh manpha tak in om thei lo hi. Tua bang kikhengkhopna in a piangsak natna pen i nuntakna leh i nasepnate ah hong sukham thei pen hi thei tawntung hi. Hih ei le ei sung leh khat le khat kikal-a lungmuanna hong sutkhia in, leitungah i thugen nial nading a hang

thupi pen piangsak hi.

"Itna bang ahi hiam cih i theihna hih ahi hi. Zeisu Khazih in eite ading in a nuntakna hong kham hi. Tua bangin eite in i sanggamte adingin i nuntakna i kham ding kisam hi. Kongit tate aw, a thu leh kamsiam bek tawh ki-it lo in, gamtatna leh thutak in ki-it ni." (1John 3:16, 18)

g) Khazih Pumpi sung Khat le Khat tungah I Lungsimpuak Bang hi ding?

Eite hici ding hihang:

- Khat le khat ki-it ding (Jn. 13:34-35; Jn. 15:12,17; 1Thess. 3:12; 1Thess. 4:9; 1Pet. 1:22; 1Jn. 3:18; 1Jn. 4:7, 11-12).
- Khat le khat tha kipia ding (1Thess. 4:18; Heb. 3:13; Heb. 10:25).
- Itna leh gamtat hoih lam masuan in khat le khat kilawpsak ding (Heb. 10:24)
- Khat le khat kilam tuah ding (1Thess. 5:11).
- Khat le khat kipuahto ding (Rom. 14:19).
- Khat le khat kihilh tuah ding (Col 3:16).
- Khat le khat thu kihilh ding (Rom. 15:14).
- Khat le khat na kisepsak ding (Gal 5:13; 1Pet. 4:10).
- Khat le khat kithuak tuah ding (Eph. 4:2; Col. 3:13).
- Khat le khat mawhna kimaisak ding (Eph 4:32; Col 3:13).
- Khat le khat tungah dik ding (Eph. 4:32).
- Khat le khat kilainat ding (Eph. 4:32; 1Pet. 3:8).
- Khat le khat kipumpiak ding (Rom. 12:10).
- Khat le khat kipahtawi ding (Rom. 12:10).
- Khat le khat kilemtak-a nungta ding (Rom. 12:16; 1Pet. 3:8).
- Khat le khat kithuakpih ding (1Pet. 3:8).
- Khat le khat migit kithuk ding (Eph. 4:2; 1Pet. 3:8).
- Khat le khat lungduai ding (Eph 4:2).
- Khat le khat kisang ding (Rom. 15:7).
- Khat le khat tungah kiniamkhiat ding (Eph 4:2; 1Peter 5:5).
- Khat le khat tungah ki-ap ding (Eph. 5:21).
- Khat le khat kihilh ding (Col. 3:16).
- Khat le khat kilem ding (Mark 9:50; Rom. 12:18).
- Khat le khat mawhna kipulak ding (James 5:16).
- Khat le khat thu kingetsak ding (James 5:16).
- Khat le khat zin kido ding (1Pet. 4:9).
- Khat le khat kipaksak ding (Rom. 16:16; 1Pet. 5:14).
- Khat le khat kikhawlkhawm ding (1Jn. 1:7).
- Khat le khatki thutuak ding (1Cor. 1:10).
- Khat le khat vangik kipuatpih ding (Gal. 6:2).

h) Khazih Pumpi Sunga Khat leh khat Kibawllloh ding Nate

- Khat le khat kipet in kinetum lo ding (Gal 5:15).
- Khat le khat kihehsak in kihaza lo ding (Gal5:26).
- Khat le khat kimudah lo ding (Titus 3:3).
- Khat le khat khat thu kikhen lo ding (Rom. 14:13).
- Khat le khat kikhem lo ding (Col. 3:9).

- Khat le khat kigensia in kiko lo ding (James 4:11).
- Khat le khat kam kisel lo ding (James 5:9).
- Khat le khat langkhat ah thu kinei lo ding (1Cor. 6:1-8).

i) Dotnate leh Kikupkhopnate

1. Thu-um midangte tawh na kikholkhopna nuntakna sungah na neih natna a lianbel pen Khazih sungah na it mahmah, mi dangte in amau leh amau aih keileh mi dangte ading metna omlo leh supna a piangsak dinga na theih gamtatnate leh dinmunte ading in a baihsa in a omna uh na muh ciang-a, na nasakna ahi hi. Kam kum in.
2. Midangte tawh kikhawlkhawm-a nasepna taktak-ah kizopna khat tungah bang launa in sukha in bang nasep haksat luatna leh thupi luatna nei hiam? (1Jn. 4:18; Heb. 13:6).
3. Inn kikhopnate pen i pawlpi nuntakna ah a thupi Laisiangtho tawh kituak a manpha na ahi hiam? (Acts 2:42-47; 4:32-35; 12:12; 16:40; Col. 4:15; Philemon 2).
4. Na khalam khantoh nading in Christian dangte na kisam hiam? Kamkum in.
5. Mi dangte tungah Card aih keh thapiakna Kammal aihkeha kitaak Laisiangtho munte gelh in na khua pawlpi maw a pong pi-in Khazih pumpi sunga midangte thapiak nading ngaihsutna na nei ngei hiam? Na neih keileh, banghang in tu-in sem lo ding na hiam?
6. Nang tawh a kithuahkhawm mipite heh nading na khatpeuh na bawl hiam? Na bawl leh bangci bawlphatkik ding na hiam?
7. Zeisu in lawm it a neih a om hiam? (Mark 5:37; Luke 9:1; Luke 10:1; John 20:2; Acts 1:15). Zeisu in Christian kipumkhatna-ah bang lungsim puak nei hiam? (John 17:20-21).
8. Kizop tuahna lim khat suai-in lungngai-in. Laidal hawm tung khat-ah nang tangin a vom khat ciamteh inla, nang kim le pam-a na kizop pihte tang dingin zong a vomte sun in. (Nang tawh kithei mite ensakna in, a tawmpen in mi 20 bang). Nang tawh ki-it phadeuhte a nai-ah koih in, na ki-it pih khol lohte gamla sakzaw deuh in. Tua ciangin tua mite banghang in tua munte ah om uh cih nang le nang kidong in. Tua pen a dik mah maw, pawl khat bawlphat ding kisam? Na lungsim puak maanlo hangin Pasion tungah mawhmaisakna ngen inla, nang tung-a hong khialte maisak in.
9. Khat le khat na na kisepsakna tawh na ki-ap tuahna uh na pulak theihna lampi te gual in (Phil 2:4). Khazih Zeisu nasem taktak na hihna thei-in midangte na sep nopna na neih theih nading in Pasion in Ama itna tawh ong dip nading in thungen in (Matt. 26:31-46).
10. "Khazih pumpi sungah khat le khat i lungsim puak bang hi ding?" cih thulu en inla, hih thute ah na puahphat theih ding lampite kuppahna nei-in.
11. Banghang in Christiante tampi lungleng hiam? Hih pen ahi ding mah hiam? Na pawlpi sungah bang sem thei ding na hiam?
12. Pawlpi khat sungah Christian thakte kiptak-a a kiphuh theih nading in, tua sungah a tawm pen in khatna nei kizop tuahna sagih a neih dinguh kisam hi kici hi. Hih pen ahimah ahih leh, nangma dawnkikna bang hi ding hiam? Kam kum in.

j) Tomklakna leh Zatpahna

1. Khazih sutna sungah khantoh nading in Christian dangte huhna kism i hihman in, ei le ei in kha picinna ah kitangzo ngei lo hi (Eph. 4:11-16).
2. Khazih pumi sungah lungsimpuak maan in nuntakna lungnopna leh kithutuahna piangsak hi; ahizong in lungsimpuak man lo in supna, lungbuaina leh kilem lohna piangsak hi. Khazih pumpi nate khat ciat in Ama nuntakna, pianzia leh gamtaziate a maan-a a lakkhia dingin Topa in lunggulh hi.
3. Thu-um mite ki kaal-a kikhoh khopna kiphut in a kikep theih nadingin eite in khat le khat ki-it in mawhna i kimaissak ding ahi hi.
4. Pasion kiang pan-a i ngahsa nate midangte kiang i piaksawn keileh khalam kiamsukna-ah puk dinga a kipan ihi hi.
5. Mihing pumpi sunga kilen leh kipumkhat leh nuntakna-a na a semkhawm sihui, thagui tul za tampite in, Khazih pumpi, pa wlpi sunga a luangkha, kithutuahna, kipumkhatna leh nunmtaknate kilang khiasak hi. Pumpi sungah thagui khempeuh, pumpi nate khempeuh khat le khat ading nungta hi. Eite in zong tua bangmah in Khazih pumpi sungah khat le khat kidonna khat le khat kipahtakna, khat le khat ki-itnate i bawl ding kism hi.
6. Khazih pawlpi sungah Pasion tung leh khat le khat tungah i ki-ap ding kism hi. Tua pen tua bang ki-apna dinga man piak ding khatpeuh piak nopna cihna hi. Banghang hiam cihleh, thu-um mi taktakte kikal-a kikhohkhopna pen kipumpiakna hi (Heb. 13:16).
7. Midangte tungah ki-itna migitna leh kihuhnate i lah bang mah in, tua pen Khazih Zeisu tunga a bawl bangdan ihi hi (Matt. 25:31-46).
8. Eite ki pumkhatna leh Khazih a sun lungsimpuak khat le khat tunga i kibawl te pen Khasiangtho tungtawn-a Pasion nuntakna i sin khakna hangin hong hi theisak hi.